

宛

委

所


藏

江蘇古籍出版社

平庵悔稿

平庵悔稿

江蘇古籍出版社



四庫未收書提要

學經室外集卷三

平安悔稿十二卷提要

宋項安世撰安世有周易玩辭四庫全書已著錄案文淵閣書目日字號載丙辰悔稿十五冊又月字號載悔稿三冊又一部六冊並殘缺之本宋史藝文志載丙辰悔稿四十七卷近日傳本殊希屬鷲宋詩紀事僅從后村詩話方輿勝覽后村千家詩蒐采數首此則依舊鈔過錄合前後集凡一千二百八十五首分卷與宋志不合卽后村詩話所錄春日堤上吹帽臺拋毬糟蟹永州諸作皆未見于是編卷六以下乃

慶元丙辰謫居江陵後所作缺佚雖多然就存者觀
之固紹熙嘉泰間一作者也

宋史本傳節略

項安世字平甫其先括蒼人後家江陵淳熙二年進士
召試除秘書正字光宗以疾不過重華宮安世上書極
言疏入不報安世遺宰相留正書求去尋遷校書郎寧
宗即位詔求直言安世應詔言立國之本在量賦制用
而已時朱熹召至闕未幾予祠安世率館職上書留之
不報俄為言者劾去通判重慶府未拜以偽黨罷安世
素善吳獵開禧用兵獵起帥荆渚安世方丁內艱起復
知鄂州繼除戶部員外郎湖廣總領金兵圍德安急安
世不俟朝命徑遣兵解圍尋權宣撫使又陞太府卿與

獵有隙斬獵客宣撫幕官王度獵聞于朝安世坐免後
以直龍圖閣為湖廣轉運使判官未上用臺章奪職而
罷嘉定元年卒所著易玩辭他書多行于世

平菴悔稿卷一

括蒼項安世平甫著

五言古詩

江梅水仙同賦

蕭然兩高人冠珮何楚楚齊魯有大臣可敬不可侮東
風吹百花餘子不足數同為歲晚游各不相媚媼君看
冰雪姿定肯學兒女三肅庵中人此容難為主

次韻謝王臬秀才四首

掩關飽黑甜屏迹慕烏有何心望披拂注意及衰朽勞
君崔魏徒過我沮溺耦拜手把瓜桃捫胸愧箕斗

春來無酒債客至得詩材論文古本壯誦句鬚髯開鮮
芳曜枯朽駿步驚駑駘魏王謝家袞袞世有才

書生無炎涼市道有羸拙世方重陶猗君獨師賈屈反
生自求良背已方成黻樂地名教中金珠彼何物

一萬里江天供君作詩用靈均泛沅澧子美去梁宋兩
公取不竭留與我輩共莫歌白雲詞便作清廟頌

水圖詩壽王丞相代崇慶錢知府作

水於天地間體物而不倚其數為天一衆有之所始其
辰為壬癸重任之所揆其德為智端非非而是是其聲
為羽音宇覆而物止精為九霄月脉為百川水上為雲

千峯下為霧五里春雨散膏腴秋霜斂葦靡露滋夏畦
活雪喚冬麥起五行雖異生宰割由一軌火蒸妃合甃
金鑄母生子鑿土得乳泉斲木出脂髓瀑垂石山巔汞
出砂坑裏感德其神乎有生皆具此雖然此其源萬變
難比擬盍往觀其流庶幾有窮已前稽夏書意後考周
雅旨河為中國經江作南邦紀濟溢陶邱陰漢合武昌
涘桐柏濬靈源烏鼠導幽趾弱水沈一毛涇泥灌千埤
八水壯函秦三川貫熊耳汾潞表參墟睢漳雄楚芊洞
庭汨南放彭蠡浩東迤震澤古垂聲巢湖晚呈說東南
有巨海萬派所奔委有海無乾坤朝昏浸淵熒或云尾

閭泄難測大荒理源流皆莫究却立但瞪視小人竟何
知但識農圃技蓄為陂與塘鑿為沼與泚大者川滄儲
小者溝洫侍蔬畦行溉澤花徑分汎灑麥疇散餘潤稻
畎入清瀾掘井資釜鬻漁溪得魴鯉暑飲救行暍舟泛
蘓跣履溫瘳病夫瘍寒救居士齒追惟平生事日用無
不以誓言報之德反復謀諸已嗟嘆之不足詠歌耶復
爾形容萬分一賴有真畫史淋漓元氣濕浩蕩入神鬼
朝瞻首九頓暮拜膝再跪置之茅欄中驚嚇走童稚共
惟大丞相盛德宜此比智如源之深澤如委之被窮測
理難言沾勺人自喜清臺候鶉火成數肇弧矢小人有

溪芹不敢持送似再拜獻此圖與水千萬禩

送李季章

聖靈昔回眷霑沐仰清微十載朝雲陸賞心惟良知索
居易永久衰疾忽在斯常恐鷹隼擊微命察如絲末塗
幸休明成貸遂薰茲且伸獨往意追尋栖息時心事俱
已矣星星白髮垂惟開蔣生徑想像崑山姿歡娛寫懷
抱愛客不告疲莫言相遇易趣途遠有期勿貽白首歎
祇足攬余思伊余秉微尚不為歲寒欺拙疾相倚薄雲
歸日西馳養疴邱園中意愜理無違况值衆君子文物
共歲蕤獻納雲臺表心胸既云披華屋非蓬居工拙各

有宜明哲持經綸試用此道推

得句

平生為斯文思極心欲破得句如得官歡喜不能奈遶
牀行百匝如覺此身大昔我得官時悠然但高卧

荅賀者

自聞諸賢興便謂我當出親朋願其貴賀者日盈室雖
感賀者情奈此十年疾平生萬事偽獨有病是實下床
足孿圈出戶膚惜慄空懷魏牟心未遇盧扁術向來謂
求已那料見今日幸逢世和平吾願良已畢諸賢致嘉
靖即與我身一政恐我自為粗疎更難必

答張以道

君詩不可狀似是秋蘭清急著無近色靜嗅有餘馨飢
來食杞菊不願生鵝腥長安三市裏杳杳一鴻冥

謝查元吉借示僚軒今是齋巢室三書

堂堂僚軒翁學古無不探詰訓尊六經文章妙瞿曇大
兒號今是思若春波涵最長作千百時用經訓參猶子
號巢室清甚寒泉甘尤善賦五七每于禪悅耽各得一
翁體與翁名字三我生在翁後鶴化無留駢今是亦已
往龍止空故潭猶能及巢室朝暮聞其談結交盡前輩
舊事多所諳五斗驅我行歸來哭空龕故園但喬木後

生誰指南今年四月尾暑氣如焚悵慙小巢室浩蕩
傾籬甌併持三篋來為飽千里婪倒海見珠璣連山閱
梗楠欽衽不知熱醉心常自酣門前日煊煊門內風飈
飈清晨送書去過午忽不堪始悟歲方燠零祈遍精藍
誰能寫此書長使雨鞋我菴係軒名國今是齋
名菴巢室名藻

輯陶句送胡仲方東歸四首

淒淒風露交落葉滿長陌荆扉晝常閉寂寂無行迹東
方有一士素袍深可惜時復堦曲中載醪祛所惑遙遙
至南荆此士再難得

相知何必早一過盡慙疑義相與析立善常所欣野

外罕人事思與爾為隣如何舍此去興言在茲春來雁
有餘聲念來存故人

萬族各有託吾亦愛吾廬誰言客舟遠歸子念前途晨
夕看山川相將還舊居斗酒聚比隣再喜見友于念彼
窮居士門庭日荒蕪

羈鳥戀舊林我心固匪石君情定何如政爾不能得豫
章抗高門義風都未隔及時當勉勵步步尋往迹見重
我軒皇事事悉如昔

和王少清用昌黎送劉師服韵索近作

兒時學慧語筆力思摩秋年來頗解事斂去不復留荷

君俎豆我重意難為酬不逢吞舟鯨十牻虛垂鈎徒蒙
萬金價竟以瓦礫售夫君自竒偉下筆不肯休須我合
藥紙欲兼砂扎收

俗諺云故
紙可合藥

江州陳待制送酒

誰謂淵明遠我住栗里源亦有好事人送酒黃花前舉
酒對南湖見之心悠然相逢各無心後世自稱賢

送葉參議知蘄州

丈夫曉間珠肯作兒女滴曉與秘書辭愴然欲霑臆我
家括山下土俗號窮僻自我來荊州邦風更蕭瑟流落
三十年魚蝦共眠食出門無所往入門長太息自從祕

書來覺我好顏色香霧浹衣中春風醉膚草飲我氣馬
浮廣我心地窄年來困侵暴兩鬢愁欲白家門危破碎
意氣向消釋萬事不稱懷獨此天下特如何下江船便
掛北風席吹君向南岸留我著江北向來窮未苦今日
窮始極君行見張薛為道此愁寂

送范少約二首

天地為一家萬人生其中父母甚愛之產智牧其蒙雖
蒙亦吾子一一關天胸所以聖賢心相傳極哀恫晝夜
當競競明命敢不冀此意一以忘萬命為牢饗誰能指
斯路鄒魯兩哀公